

Inzko se sastao s Lavrovim



Visoki predstavnik i specijalni predstavnik EU Valentin Inzko se danas u Sarajevu sastao s ruskim ministrom vanjskih poslova Sergeyem Viktorovichem Lavrovim. Visoki predstavnik i specijalni predstavnik Inzko i ruski ministar vanjskih poslova Lavrov su razgovarali o trenutnoj političkoj situaciji u BiH i predstojećem sastanku Upravnog odbora Vijeća za implementaciju mira.

«Politička situacija je teška s tendencijom pogoršanja i bez naznaka poboljšanja», rekao je visoki predstavnik i specijalni predstavnik EU Inzko.

Navodeći da se BiH mora vratiti na pravi put, visoki predstavnik i specijalni predstavnik Inzko je rekao kako je potrebno »osigurati da Bosna i Hercegovina postane stabilna i održiva demokratska zemlja na putu ka integraciji u EU što ostaje moj prioritet. Zadaci kojima se odmah treba posvetiti su osiguranje potpune i efikasne primjene Dejtonskog mirovnog sporazuma, osiguranje funkcionalnosti države i nadziranje tranzicije OHR-a u EUSR putem ispunjavanja pet ciljeva i dva uslova koje je definirao Upravni odbor Vijeća za implementaciju mira.»

Upravni odbor Vijeća za implementaciju mira će se sastati u Sarajevu, 18. i 19. novembra, kako bi procijenio stanje u pogledu ovih pitanja.

Ministar Lavrov je još jednom ponovio da je Rusija opredijeljena za uspješnu tranziciju OHR-a u EUSR kako bi Bosna i Hercegovina mogla preuzeti punu odgovornost za svoju budućnost.